

LEKSYON 3

ANG BASAHON NGA

GIHATAG SA DIOS KANATO





Ang Basahon nga Gihatag sa Dios

Ang Balaang Biblia

Ang Balaang Biblia maoy usa ka hinugpong sa 66 ka mga basahon nga gihatag sa Dios kanato. Gitawag nato kini nga Biblia, Kasulatan, ug Pulong sa Dios.

Ika-17 nga Pangutana

Pila ka mga basahon ang anaa sa Balaang Biblia?

- a) 27
- b) 39
- k) 66
- d) 74

Tubag 17



Ang Balaang Biblia

Ang pulong nga Biblia nagakahulogan nga mga basahon. Ang pulong Balaan nagpasabot nga kini atong pagatahuron tungod kay gikan man sa Dios.

Ika-18 nga Pangutana

Ang ulohan nga "Balaang Biblia" nga maoy gingalan sa libro nga gihatag sa Dios kanato nagpasabot nga

- a) Libro kini sa mga balaang tawo.
- b) duha ka karaang mga libro.
- k) mga basahon nga gikan sa Dios.

Tubag 18

**Diosnong Pagtuga**

Kining 66 ka mga libro mga balaan tungod kay gituga sa Dios.

Ang tibuok nga kasulatan gituga sa Dios.

2 Timoteo 3:16.

Ika-19 nga Buluhaton

Sag-uloha kini:

Tungod kay wala may profesiya nga miabut tungod sa kabubut-on sa tawo, hinunoa minandoan sa Espiritu Santo nanagpanulti ang mga balaang tawo sa Dios. 2 Pedro 1:21.

**Diosnong Pagtuga**

Dihay mga 40 ka mga magsusulat ang gitugahan sa Dios aron sa pagsulat sa Biblia. Kini nagpasabot nga gihatagan sila sa Espiritu Santo sa mga hunahuna ug sa mga pulong nga buot ipasulat sa Dios kanila.

Ika-20 nga Pangutana

Sa atong pagtawag sa Biblia nga tinuga nga pulong sa Dios, kita nagpasabot nga

- a) Kini nagasulti kanato mahitungod sa Dios.
- b) Gisultihan sa Dios ang mga tawo sa ilang isulat.
- k) Makigsulti ang Dios kanato pinaagi niini.

Tubag 20



Ang Basahon nga Gihatag sa Dios

Diosnong Pagtuga

Ang unang bahin ni-
ining mga basahona
gisulat niadtong 1,500
na ka tuig sa wala pa
matawo si JesuCristo.
Ug ang katapusang ba-
sahon gisulat niadtong
mga 100 katuig human
sa pagkatawo ni Cristo.

Ika-21 nga Pangutana

Pila ka tuig ang milabay
gikan sa pagsulat sa
unang basahon ngadto sa
pagsulat sa katapusang
basahon sa Biblia?

- a) mga 50 ka mga tuig.
- b) mga 500 ka mga tuig.
- k) mga 1,600 ka mga
tuig.

Tubag 21

Diosnong Pagtuga

Ang 40 ka mga magsu-
sulat naglakip sa mga
hari, mga mangingisda,
mga mamumuo, mga
sundalo, mga pari, mga
mag-uuma, mag-
babalak, ug mga negos-
yante.

Ika-22 nga Pangutana

Kinsa ang gitugahan sa
Dios aron pagsulat sa
Biblia?

- a) Ang 40 ka mga tawo
nga nagkatigum ug
naghiusa sa pagsulat
niini.
- b) Ang 50 ka mga pari ug
mga propeta.
- k) Ang 66 ka mga mag-
uuma ug inilang mga
pangulo.
- d) Ang 40 ka mga tawo nga
dunay nagkalainlaing
trabaho ug gikan sa
nagkalainlaing pana-
hon sa kasaysayan.

Tubag 22

**Diosnong Pagtuga**

Ang mga sinulat ni-ining 40 ka mga tawo adunay usa lamang ka dugokan, nga mao ang relasyon taliwala sa Dios ug sa tawo. Nagkauyon gayud ang tanan tungod kay gisultihan man sila sa Dios sa ilang pagasulaton.

Ika 23 nga Pangutana

Kining mga tawhana nga nagikan sa mga nagkainlaing mga kaagi ug mga hilig nanagsulat sa usa lamang ka dugokan ug kini sila wala magkasumpaki tungod kay

- a) Ang Dios mao man ang matuod nga Tag-iya ug nagpaluyo niini ug igo lamang sila sa pagsulat sa iyang gisulti kanila
- b) Tungod kay ang matag magsusulat nagbilin man ug pahimangno alang sa mosunod nga mga magsusulat

Tubag 23

Ang Duha ka Mga**Pakigsaad**

Ang pulong Pakigsaad nagapasabot nga kasabutan. Gibahin sa duha ka pakigsaad ang Biblia, ang Daan ug ang Bag-o. Diha kanila nasulat ang mga kasabutan, o pakigsaad nga gihimo sa Dios alang sa tawo.

Ika-24 nga Pangutana

Ang Daang Pakigsaad ug ang Bag-ong Pakigsaad nagapahayag sa kasaysayan ug mga tugon sa

- a) Mga pakigsaad sa Dios alang sa tawo.
- b) Mga pakigsaad sa Ehipto ug sa Israel.
- k) Mga katapusang tugon sa karaang mga hari.
- d) Kaagi sa pagtubo ug pag-uswag sa tinoohan sa tawo.

Tubag 24

*Ang Basahon nga Gihatag sa Dios***Ang Duha ka Mga****Pakigsaad**

Ang Daang Pakigsaad gihatag sa Dios ngadto sa mga Judio, nga gitawag usab ug mga Hebreohanon o mga Israelinhon. Gipili kini sila sa Dios aron modawat sa Iyang kama-tuoran ug aron sa pag-sulat ug pagtudlo niini ngadto sa uban.

Ika-25 nga Pangutana

Kinsang mga tawhana ang napili aron modawat sa pinadayag sa Dios ug sa mga tugon nga anaa sa Daang Pakigsaad?

- a) Ang mga Hebreohanon o mga Israelinhon
- b) Ang mga Cristohanon
- k) Ang mga Pilistihanon

Tubag 25

Ang Duha ka Mga**Pakigsaad**

Ang Daang Pakigsaad nagalangkob sa kasaysayan, ug sa relasyon sa Dios ug sa tawo ngadto sa pag-abot na sa Manluluwas nga maoy maghimo sa bag-ong kasabutan.

Ika-26 nga Pangutana

Ang mga tugon sa kasabutan taliwala sa Dios ug sa tawo nga anaa sa Daang Pakigsaad kina-hanglan magapadayon

- a) Sa kahangturan sa walay pagka-usab
- b) Hangtud sa pagpadala sa Dios sa Iyang Anak nga mao ang Manluluwas aron paghatag sa tawo ug bag-ong kasabutan ug sa pagtabang sa tawo sa pagtuman sa mga tugon niini.

Tubag 26



Ang Duha ka Mga

Pakigsaad

Ang Bag-ong Pakigsaad nagapahayag sa kasaysayan ug sa mga tugon sa bag-ong kasabutan nga gihimo sa Dios alang sa tanang magadawat sa iyang anak nga si Jesu Cristo ingon nga ilang Manluluwas.

Ika-27 nga Pangutana

Asa man makita ang mga tugon sa pakigsaad nga gihatag sa Dios ngadto sa nagadawat kang Jesu-Cristo ingon nga ilang Manluluwas?

- Diha sa Daang Pakigsaad
- Diha sa Bag-ong Pakigsaad

Tubag 27

Ang Duha ka Mga

Pakigsaad

Ang Bag-ong Pakigsaad gipasikad diha sa Daan. Kini nagapahayag sa relasyon tali sa duha ka pakigsaad ug nagsaysay sa katumanan sa daghang mga propesiya nga anaa sa Daang Pakigsaad.

Ika-28 nga Buluhaton

Ablihi ang imong Biblia ngadto sa pahina diin nagasugod ang Bag-ong Pakigsaad. Bansaya ang imong kaugalingon sa pagpakli sa imong Biblia ngadto niining pahinaa. Ang Daang Pakigsaad tulo sa upat ka bahin sa Biblia.





Ang Basahon nga Gihatag sa Dios

Ang Duha ka Mga

Pakigsaad

Sanglit nasakop na man kita sa mga tugon nga anaa sa Bag-ong Pakigsaad among gitambag nga basahon mo kini pag-una. Hinoon, ang Daang Pakigsaad adunay daghang importante usab nga mga leksyon alang kanato.

Ika-29 nga Pangutana

Kita nasakop sa mga tugon sa..... Pakigsaad karon, apan mobasa kita sa tibook Biblia tungod kay ang tanan gituga man sa Dios.

Sag-uloha kini:

Kining mga butanga nahitabo kanila ingon nga pasidaan, ug gisulat ingon nga tugon alang kanato. 1 Corinto 10:11

Tubag 29



Pagpakig-ambit sa

Biblia

Kinahanglan nga magmapasalamaton kita tungod sa mga tawo sa Dios nga midawat sa Pulong sa Dios ug nagtipig ug nagpaambit niini ngadto sa ubang kanasuran lakip kanato.

Ika-30 nga Pangutana

Kinsa mang mga tawhana ang atong nautangan ug daku nga pagpasalamat sa Biblia?

- Ang mga escriba sa karaang Babilonya
- Ang mga tawo sa Dios nga midawat niini, nagtipig, ug nakig-ambit niini sa uban
- Sa makinaadmanong mga tawo nga Griego

Tubag 30

**Pakig-ambit sa Biblia**

Buot sa Dios nga kad-tong mga tawo nga dunay Biblia makig-ambit ngadto sa uban. Busa tun-an nato kini 'g itudlo, ug motabang kita sa mga kapunon-angan nga magahubad sa Biblia ngadto sa ubang pinulongan ug magpapatik niini.

Ika-31 nga Pangutana

Ngano nga tun-an man nato ug itudlo ang Biblia ug motabang sa mga kapunungan nga nagpapatik sa Biblia?

- a) tungod kay mao kiniy paagi sa pagpadaghan sa ginsakopan sa atong simbahan
- b) tungod kay buot sa Dios nga ang tanang may Biblia makig-ambit sa uban sa tanang dapit.

Tubag 31

Mga Hubad

Buot sa Dios nga ang matag tawo makabaton ug Bilia sa iyang kaugalingong pinulongan aron iyang masabtan kini. Gihatag sa Dios ang Daang Pakig-saad ngadto sa Hebreohanon sa ilang kaugalingon nga pinulongan.

Ika 32 nga Pangutana

Uban sa pagdihog sa Balaang Espiritu, gipatulat ang daang pakig-saad

- a) sa pinulongan sa mga manulonda.
- b) sa pinulongan nga Latin.
- k) sa pinulongan nga Hebreohanon.
- d) sa pinulongan nga Inglis.

Tubag 32



Ang Basahon nga Gihatag sa Dios

Mga Hubad

Miabot ang panahon nga ang Griego mao ang nahimong pinulongan sa kadaghanan sa mga nasud sa kalibutan. Gisulat ang Bagong Pakigsaad sa Griego nga maoy gigamit sa mga yanong tawo.

Ika-33 nga Pangutana

Aron makasabot ang yanong katawhan sa daghang mga kanasuran, gidihugan sa Dios ang mga magsusulat sa paggamit sa pinulongan

- a) Hebreohanon.
- b) Laglum nga Griego nga gigamit sa mga maki-naadmanon.
- k) Griego nga gigamit sa yanong mga tawo.

Tubag 33

Mga Hubad

Tungod kay kadaghanan kanato karon dili man makasabot sa pinulongang Hebreohanon ug Griego, gihubad ang Biblia ngadto sa nagkalainlaing mga pinulongan sa mga katawhan sa tibuok kalibutan — moabut na sa 1,300 ka mga pinulongan.

Ika-34 nga Pangutana

Gihubad ang Biblia o ang bahin niini ngadto sa 1,300 ka mga pinulongan tungod kay

- a) ang Pulong sa Dios alang man sa tanan nga ania ning kalibutan. Buot niyang makabaton sila niini sa pinulongan nga ilang masabtan.
- b) mahal kaayo ang Griego nga Biblia.

Tubag 34

**Mga Hubad**

Mag-usab-usab ang mga pinulongan. Dili nato masabtan pag-ayo ang karaang hubad, busa atong gi-usab sila ug gihimo ang bag-ong paghubad, aron mapahimutang ang Biblia diha sa mga pulong nga atong masabtan pag-ayo ug atong gigamit karon.

Ika-35 nga Pangutana

Dunay nagkalainlaing mga hubad sa Biblia tungod kay

- a) ang mga maghuhubad nagausab niini aron mahaum sa ilang doktrina.
- b) sa dihang duna nay mga kausaban ang mga pinulongan, ushon usab sa paghubad ang Pulong sa Dios ngadto sa mga pulong nga sayon sabton sa mga katawhan.

Tubag 35

Mga Hubad

Ang mga bersikulo sa Bag-ong Pakigsaad nga nahipatik niining libroha kinutlo gikan sa bag-ong hubad sa Biblia ngadto sa pinulongang Cebuano.

Ika-36 nga Pangutana

Ang mga bersikulo sa Bag-ong Pakigsaad nga nahipatik niining libroha kinutlo gikan sa

- a) karaang hubad
- b) bag-ong hubad

Tubag 36



Ang Basahon nga Gihatag sa Dios

Mga Hubad

Ang tanang hubad sa Biblia, bag-o o daan, iya sa protestante o sa Catolico mao ra nga Biblia. Sa pipila ka mga bahin niini nagkalahi ang mga pulong nga gigamit sa paghubad apan mao ray gipasabot. Kini silang tanan gihubad gikan sa orihinal nga Daan Pakigsaad sa pinulongang Hebreohanon ug sa Bag-ong Pakigsaad sa pinulongang Griego.

Ika-37 nga Pangutana

Mapasalamaton kita sa Dios tungod sa tanang mga hubad, nga nakatabang sa daghang mga katawhan sa daghang mga kanasuran. Kining maayong mga hubad gihubad gikan sa Daang Pakigsaad sa pinulongang H.....ug sa Bag-ong Pakigsaad sa pinulongang G.....

Tubag 37

Ang Apocrypha

Ang ubang mga hubad nga Catolico naga-apil sa mga librong gitawag ug apocrypha. Kining mga libroha dunay mga butang mahitungod sa kasaysayan apan wala kini sila magapakita sa tanang mga ilhanan sa mga basahong gituga gayud sa Dios.

Ika 38 nga Pangutana

Ang mga hubad sa protestante ug sa ubang Catolico wala mag-apil sa apocrypha tungod kay

- walay bili kining mga libroha.
- wala kanila ang tanang timailhan sa mga basahon nga gituga sa Dios.
- kining mga libroha lisod hubaron.

Tubag 38




Mga Pahayag

Ang ubang mga Biblia adunay mga pahayag aron makasabot kita sa lisod nga mga bersikulo. Ang maong mga pahayag maayo man apan dili nato pag-sabton nga kini gituga usab sa Dios. Ang mga pahayag mahimong masayop.

Ika 39 nga Buluhaton

Iampo ang mga kapunungan nga nanaghubad, nagpapatik ug nang-apod-apod sa mga Biblia. Pasa lamati ang Dios tungod sa imong pagbaton sa Iyang Pulong diha sa imong kaugalingong pinulongan.



“Tungod kay wala may profesiya nga miabut pinaagi sa kabubut-on sa tawo, hinonoa minandoan sa Espiritu Santo nanagpanulti ang mga balaang tawo sa Dios.”

2 Pedro 1:21



MGA HUSTONG TUBAG SA LEKSYON 3

Ika-17 nga Tubag

k) 66

Ika-18 nga Tubag

k) mga basahon nga gikan sa Dios

Ika-20 nga Tubag

b) Gisultihan sa Dios ang mga tawo sa ilang isulat.

Ika-21 nga Tubag

k) mga 1,600 ka mga tuig

Ika-22 nga Tubag

d) ang 40 ka mga tawo nga dunay nag-kalainlaing trabaho ug gikan sa nag-kalainlaing panahon sa kasaysayan.

Ika-23 nga Tubag

a) Ang Dios mao man ang matuod nga Tag-iya ug nag-paluyo niini ug igo lamang sila sa pag-sulat sa Iyang gisulti kanila.

Ika-24 nga Tubag

a) Mga pakigsaad sa Dios alang sa tawo

Ika-25 nga Tubag

a) Ang mga Hebreohanon o mga Israelinhon

Ika-26 nga Tubag

b) Hangtud sa pag-padala sa Dios sa Iyang Anak nga mao ang Manluluwas aron paghatag sa tawo ug bag-ong kasabutan ug sa pag-tabang sa tawo sa pagtuman sa mga tugon niini

Ika-27 nga Tubag

b) Diha sa Bag-ong Pakigsaad

Ika-29 nga Tubag

Bag-o

Ika-30 nga Tubag

b) Ang mga tawo sa Dios nga midawat niini, nagtipig, ug nakig-ambit niini sa uban

Ika-31 nga Tubag

b) Tungod kay buot sa Dios nga ang tanang may Biblia makig-ambit sa uban sa tanang dapit.

Ika-32 nga Tubag

k) sa pinulongan nga Hebreohanon

Ika-33 nga Tubag

k) Griego nga gigitmit sa yanong mga tawo

Ika-34 nga Tubag

a) ang Pulong sa Dios alang man sa tanan nga ania ning kalibutan. Buot niyang makabaton sila niini sa pinulongan nga ilang mababtan.

Ika-35 nga tubag

b) sa dihang duna nay mga kausaban ang mga pinulongan, usbon usab paghubad ang Pulong sa Dios ngadto sa mga pulong nga sayon sabton sa mga katawhan.

Ika-36 nga Tubag

b) bag-ong hubad

Ika-37 nga Tubag

Hebreohanon
Griego

Ika-38 nga Tubag

b) wala kanila ang tanang timailhan sa mga basahon nga gituga sa Dios.